

Broj: 02/03-28-5328/16-3

Sarajevo, 04.11.2016. godine

Zapisnik sa sastanka Privrednog/poslovnog savjeta Općine Novi Grad Sarajevo

Shodno Odluci Općinskog načelnika o formiranju Privrednog/poslovnog savjeta Općine Novi Grad Sarajevo broj 02/03-28-4231/16 od 11.02.2016. godine, dana 04.11.2016. godine sa početkom u 15:30 sati, održana je druga po redu sjednica pomenutog radnog tijela u prostorijama Općine Novi Grad Sarajevo. Sjednici su prisustvovali Semir Efendić - predsjednik privrednog/poslovnog savjeta, Erdal Trhulj – zamjenik predsjednika, Safudin Čengić – član, Rusmir Hrvić – član, Huso Ćesir – član, Muharem Šabić – član, , Džemaludin Kahrović – član i Mirela Bubalo – tehnički sekretar, opravdano odsutan – Hamed Ramić – član i Amer Bukvić – član. Na pomenutoj sjednici razmatran je slijedeći

DNEVNI RED

- 1) Usvajanje zapisnika sa prethodne sjednice sjednice Privrednog/poslovnog savjeta;
- 2) Izvještaj o BFC procesu
- 3) Analiza nacrtu Budžeta Službe za privredu i lokalni ekonomski razvoj za 2017. godinu
- 4) Mjesečni izvještaj o stanju nezaposlenosti na nivou općine Novi Grad Sarajevo
- 5) Izvještaj o posjetama privrednim subjektima i njihovi problemi/prijedlozi/sugestije
- 6) Informacija o plasmanu finansijske linije i njenim afektima
- 7) Usvajanje Poslovnika o radu Privrednog/poslovnog savjeta

1. Usvajanje zapisnika sa prethodne sjednice Privrednog/poslovnog savjeta

Zapisnik jednoglasno usvojen.

2. Izvještaj o BFC procesu

Izvještaj je podnio pomoćnik načelnika Službe za privredu i lokalni ekonomski razvoj Džemaludin Kahrović. Data je informacija o fazi u kojoj se Općina nalazi u procesu certificiranja. Savjet je upoznat sa prvim dostavljenim izvještajem evaluatora i njihovim preporukama kao i aktivnostima koje se odvijaju da ispunjavanju postavljenih kriterijuma.

3. Analiza nacrtu Budžeta Službe za privredu i lokalni ekonomski razvoj za 2017. godinu

Dostavljenim radnim materijalima prisutni su upoznati sa planiranim nacrtom Budžeta Službe za privredu i lokalni ekonomski razvoj za 2017. Godinu. Shodno preporukama sa prethodne sjednice, uvažen je prijedlog ČLANOVA Savjeta, te je planirano uvećanje stavke Budžeta koja se odnosi na finansiranje projekata obuke i osposobljavanja radnika za deficitarna zanimanja.

4. Mjesečni izvještaj o stanju nezaposlenosti na nivou općine Novi Grad Sarajevo

Prateći podatke JU Službe za zapošljavanje KS, kao i drugih dostupnih publikacija i biltena na području općine Novi Grad Sarajevo, evidentan je rast otvaranja novih radnih mjesta za 11,42 % i smanjenje nezaposlenosti za 5,34 %. Isto će se nastaviti redovno pratiti te će se raditi na razvoju, a shodno strateškom opredjeljenju Općine i strateškom cilju „Konkurentna privreda koja će generisati nova, kvalitetna radna mjesta na području općine Novi Grad Sarajevo“.

5. Izvještaj o posjetama privrednim subjektima i njihovi problemi/prijedlozi/sugestije

Služba za privredu i lokalni ekonomski razvoj u prethodnom periodu nastavila je sa aktivnostima obilaska privrednih subjekata na području općine Novi Grad Sarajevo. Obišla je ukupno 19 kompanija za dva mjeseca, pri čemu su identifikovani problemi i sugestije poslodavaca, kao i prijedlozi za unapređenje poslovne klime. Shodno tome istaknuto je da su najčešći problemi sa kojima se susreću privrednici:

1. Neprilagođeni obrazovni kadar potrebama privrede
2. Problem sive ekonomije i nelojalne konkurencije
3. Problem naplate potraživanja
4. Akontacije poreza na dobit
5. Veliki nameti doprinosa i poreza na plate
6. Nerealne tenderske ponude
7. Neadekvatan rad inspekcije
8. Dugotrajne procedure dobijanja urbanističke saglasnosti i građevinske dozvole
9. Nepostojanje kanalizacije u poslovnoj zoni Rajlovac
10. Loše stanje pojedinih saobraćajnica itd.

6. Informacija o plasmanu finansijske linije i njenim efektima

Privredni/poslovni savjet je informisan i o pozitivnim efektima mjere regresiranja dijela kamatne stope. U periodu decembar 2013. – novembar 2016. Ovom mjerom plasirano je preko 19,5 miliona KM po profitnoj stopi već od 0,49 % (za proizvođače koji imaju b50% i više prihoda od izvoza). Za sve tri kreditne linije u toku 2016. subvencionirano je ukupno 185.915,94 KM.

7. Usvajanje poslovnika o radu Privrednog/poslovnog savjeta

Nakon što je članovima Savjeta Poslovnik poslan putem maila na saglasnost i eventualne korekcije, te tekst istog usaglašen, usvojen je jednoglasno.

Nakon diskusije prisutnih doneseni su slijedeći

Z a k l j u č c i

1. Nastaviti provođenje aktivnosti na certificiranju Općine kao Business Friendly
2. Razmotriti i druge mogućnosti sufinansiranja/finansiranja zapošljavanja pripravnika, te pokušati planirati veća sredstva za ovu stavku i stavku sufinansiranja projekata obuke i osposobljavanja radnika za deficitarna zanimanja.
3. Nastaviti sa aktivnostima obilaska privrednih subjekata na području općine Novi Grad Sarajevo, te probleme sa kojima se susreću, a tiču se konkretno Općine uzeti prioritetno u razmatranje, a u skladu sa dostupnim finansijskim sredstvima.
4. Privredni/poslovni savjet traži od Službe za privredu i lokalni ekonomski razvoj da u narednom periodu napravi sveobuhvatnu analizuprivrede u općini Novi Grad Sarajevo po sektorima sa svim i problemima sa kojima se susreću potencijalima (nove vrijednosti - proizvodnja, prodaja, prostorni kapaciteti, radna snaga ...).
5. Privredni/poslovni savjet traži od Službe za privredu i lokalni ekonomski razvoj da istraže zastupljenost novogradskih i bosanskohercegovačkih proizvoda na policama trgovačkih lanaca i maloprodaje na području općine Novi Grad Sarajevo.

Sjednica je završena u 18:00 sati

Zapisnik vodila: Mirela Bubalo

DOSTAVITI:

1. Predsjedniku Privrednog/poslovnog savjeta
2. Zamjeniku predsjednika Privrednog/poslovnog savjeta
3. Tehničkom sekretaru Privrednog/poslovnog savjeta
3. Članovima Privrednog/poslovnog savjeta x 6
4. Arhivi

Predsjednik Privrednog/poslovnog savjeta

Efendić Semir
mr. Semir Efendić